



---

Broj: 05/7-50-13-370-25/17

Sarajevo, **26. 5. 2017.**

## Z A P I S N I K

### **25. sjednice Vijeća nacionalnih manjina BiH, održane 26. 5. 2017.**

Sjednica je počela u 17.10 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Tijana Vučurević, Andrija Svatok, Marija Grbić, Jovanka Manzalović-Šalaka, Jakob Finci, Hakan Varan, Todorka Jovanović, Eva Pašić-Juhas, Silvija Vujović, Vjeročka Gajić, Mladen Radmilović, Nedžad Jusić, Dejan Piotrovski, Davor Ebner, Velibor Kuvač i Dragan Marković.

Sjednici iz opravdanih razloga nije prisustvovao Halil Bicaj.

Sjednici su također prisustvovali: Želimir Lalić, predstavnik Ministarstva za ljudska prava i izbjeglice BiH, Mirza Redžić, predstavnik Vijeća crnogorske nacionalne manjine, i Anđelka Dobrilović – Rajak, stručna saradnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno su usvojili**

## D N E V N I R E D

1. Usvajanje Zapisnika 24. sjednice Vijeća nacionalnih manjina BiH;
2. Razmatranje Prijedloga izmjene i dopune Odluke o osnivanju Vijeća nacionalnih manjina BiH;
3. Razmatranje odgovora iz Upitnika Evropske komisije za pripreme mišljenja o zahtjevu za članstvo BiH u EU iz poglavlja III. Poštivanje i zaštita manjina i prava na kulturu;

4. Zauzimanje stava Vijeća nacionalnih manjina BiH po pitanju objave podataka o Popisu stanovništva iz 2013. godine;
5. Razmatranje informacije Ministarstva za ljudska prava i izbjeglice BiH o planiranju objave poziva za projekte za nacionalne manjine u 2017. godini;
6. Razno:
  - status konferencije o nacionalnim manjinama
  - status posjete Češkoj Republici
  - informacija o usvajanju Izvještaja o radu Vijeća nacionalnih manjina BiH za 2016.

#### **Ad.1. Usvajanje Zapisnika 24. sjednice Vijeća nacionalnih manjina BiH**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali Nedžad Jusić i Jakob Finci.

Vijeće nacionalnih manjina BiH **jednoglasno je usvojilo** Zapisnik 24. sjednice, s prijedlogom da se ispravi tehnička greška te da umjesto rednog broja sjednice 23. stoji broj 24.

#### **Ad.2. Razmatranje Prijedloga izmjene i dopune Odluke o osnivanju Vijeća nacionalnih manjina BiH**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić, Mladen Radmilović, Tijana Vučurević, Jakob Finci, Andrija Svatok, Tihomir Knežiček i Davor Ebner.

**Inicijativu za razmatranje Prijedloga izmjena i dopuna Odluke o osnivanju Vijeća nacionalnih manjina BiH dostavio je Nedžad Jusić**, s prijedlogom da se sadašnji član 2. Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08, 53/09 i 60/14) izbriše i zamijeni riječima: "Vijeće čine predstavnici nacionanih manjina, koji su nabrojani u Zakonu o zaštiti prava nacionanih manjina, tako da nacionalna manjina koja, prema zadnjem popisu stanovništva u BiH, broji:

- preko 10.000 ima tri predstavnika
- od 2.000 do 5.000 ima dva predstavnika

- od 1.000 do 2.000 ima jednog predstavnika
- ako više nacionalnih manjina ima do 1.000 pripadnika, zajednički se bira jedan predstavnik, tako da se nacionalne manjine grupiraju prema alfabetu”.

Nedžad Jusić obrazložio je da je inicijativa nastala na osnovu podataka vezanih za objavu rezultata popisa stanovništva 2013. godine o broju pripadnika nacionalnih manjina, gdje se 505 grupacija izjasnilo da pripada različitim skupinama nacionalnih manjina, a prema čl. 1. i 3. Zakona o zaštiti prava pripadnika nacionalnih manjina („Službeni glasnik BiH“, broj 12/03), svi oni koji se izjasne kao pripadnici nacionalnih manjina u BiH imaju mogućnost ostvariti svoja prava, odnosno mogu delegirati svog predstavnika u Vijeće nacionalnih manjina BiH. Jusić je dodao da se u BiH može primijeniti model Republike Hrvatske, gdje je broj članova Vijeća nacionalnih manjina BiH ograničen prema ukupnom broju pripadnika određene nacionalne manjine.

Tijana Vučurević istakla je da bi prije nego što se razvije rasprava o ovoj tački dnevnog reda, kao pravnik želi upozoriti na situaciju koja je nastala, vezano za predloženi akt. Dodala je da ona nema ništa protiv toga da Vijeće navedeni akt usvoji ali da se ovdje radi o neispravnom poštovanju hijerarhije pravnih akata, odnosno da je Prijedlog izmjene i dopune Odluke o osnivanju Vijeća nacionalnih manjina BiH kao niži pravni akt prvenstveno neophodno uskladiti s višim pravnim aktom, odnosno s važećim Zakonom o zaštiti prava pripadnika nacionalnih manjina, kojim je utvrđeno ko su pripadnici nacionalnih manjina, a u dostavljenom prijedlogu navode se pripadnici nacionalnih manjina prema Zakonu i dodaje se odredba koja govori o brojnosti pripadnika nacionalnih manjina, te je iz navedenih razloga za ovakvu vrstu izmjena i dopuna Odluke o osnivanju Vijeća, s pravnog aspekta, neophodno, prvenstveno pristupiti izmjeni Zakona o zaštiti prava pripadnika nacionalnih manjina.

Vijeće nacionalnih manjina BiH, s jednim glasom „za“, 15 glasova „protiv“ i jednim glasom „suzdržan“, nije usvojilo Prijedlog izmjena i dopuna Odluke o osnivanju Vijeća nacionalnih manjina BiH.

### **Ad.3. Razmatranje odgovora iz Upitnika Evropske komisije za pripreme mišljenja o zahtjevu za članstvo BiH u EU iz poglavlja III. Poštivanje i zaštita manjina i prava na kulturu**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Velibor Kuvač, Jovanka Manžalović-Šalaka, Želimir Lalić, predstavnik Ministarstva za ljudska prava i izbjeglice BiH, Jakob Finci, Tihomir Knežiček i Tijana Vučurević.

Vijeće nacionalnih manjina BiH **jednoglasno je** usvojilo zaključak da se od Direkcije za evropske integracije BiH traži informacija vezana za status odgovora na poglavlja III. „Poštivanje i zaštita manjina i prava na kulturu“ iz Upitnika Evropske komisije za pripremu mišljenja o zahtjevu za članstvo Bosne i Hercegovine u Evropsku uniju, kako bi Vijeće o tome bilo upoznato.

### **Ad.4. Zauzimanje stava Vijeća nacionalnih manjina BiH po pitanju objave podataka o popisu stanovništva iz 2013. godine**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Velibor Kuvač, Nedžad Jusić, Tijana Vučurević, Andrija Svatok, Jakob Finci i Tihomir Knežiček.

Vijeće nacionalnih manjina BiH **primilo je k znanju** informaciju o pitanju objavljivanja podataka o popisu stanovništva iz 2013. godine.

### **Ad.5. Razmatranje informacije Ministarstva za ljudska prava i izbjeglice BiH o planiranju objavljivanja poziva za projekte za nacionalne manjine u 2017. godini**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Želimir Lalić, predstavnik Ministarstva za ljudska prava i izbjeglice BiH, Hakan Varan, Mladen Radmilović i Nedžad Jusić.

Vijeće nacionalnih manjina BiH primilo je **k znanju** Informaciju Ministarstva za ljudska prava i izbjeglice BiH o planiranju objavljivanja poziva za projekte za nacionalne manjine u 2017. godini.

**Ad.6. Razno:**

- **status konferencije o nacionalnim manjinama**
- **status posjete Češkoj Republici**
- **informacija o usvajanju Izvještaja o radu Vijeća nacionalnih manjina BiH za 2016.**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Dragan Marković, Nedžad Jusić, Davor Ebner i Tihomir Knežiček.

Vijeće nacionalnih manjina BiH primilo je **k znanju** navedene informacije.

Sjednica Vijeća nacionalnih manjina BiH završena je u 18.30 sati.

Sastavni dio ovog zapisnika je tonski snimak 25. sjednice Vijeća nacionalnih manjina BiH.

**Predsjedavajući Vijeća nacionalnih manjina BiH**  
**prof. dr. Tihomir Knežiček**